

德化縣志卷第二十七

知德化縣事

高植原輯
沈錫三補輯

鄒文炳再輯
陳真續輯

名宦

親民之官縣令為最其在詩曰民之父母祖孫曷嘗不含飴集慶顧撫摩而鞠育之則父母最也化邑土瘠民貧尤資撫字若貧家之窘衣食然為兒女計意彌切已自漢至唐能撫循其民者紀傳無聞焉謂世遠無徵歟抑父母之稱實不易副歟今自鍾離瑾以下宋得五人自傅道以下明得十二

德化縣志

卷二十七職官

名宦

人自趙光祖以下

國朝計得十五人以千年之內廣搜博攷僅得此二十餘人而此二十餘人中或亦取他事而誌頌之未必人皆思毛裏也夫蒲密之化由於誠心卑鄙之治本之正己所謂惻悞無華愛民如子日許不足月計有餘所居無赫赫名去後常見思者無他智巧焉學道愛人至訓固如是矣若乃本無實意貌為仁慈未克整躬欲強政治史傳所稱魯恭伏覽之輩恐不若是昔阮适集傳隱逸百人止九十

七人待已與劉訐劉沓三人足之誠好名之過然以化邑名宦令斯土者人人若遙集之於隱逸何患不踵相接哉余愧不能爲三人之續書之以俟後之君子志名宦

宋

鍾離瑾字公瑜合肥人開寶間爲縣令愛民如子有女將室於許氏得一媵女於臨川流涕有戚容詰之則前令女也父母俱亡女方五齡胥甲育爲己女今十年矣適見明府視事追感吾父故泣耳瑾大驚異遂爲易衣改

德化縣志

卷二十七職官

名宦

二

飾貽書許氏曰吾買媵而得前令之女將輟吾女奩篋先嫁之許氏報書曰君侯能抑己女而拔人之孤女盛德事也吾有季子願以爲婦卒與俱歸久之瑾夢綠衣丈夫造庭謝曰不圖賤息辱賜於君今得請於上帝奏公十任官祿後瑾果歷十郡太守

省志

柳寵新建人咸平間舉進士知縣事勵精清直寬猛得宜官至九卿樂廬山之秀麗結屋隱居以終老

府志

黃灝字商伯都昌人進士由隆興教授來知縣事以興學校崇政化爲本歲饑行賑有方旣歸里幅巾深衣騎驢

匡山間若素隱者朱熹守南康瀕執弟子禮質疑問難
熹沒學禁方厲灑單車往赴徘徊不忍去久之著有西

坡集四十卷 宋史

潘興嗣字延之新建人與王安石曾鞏友善為縣尉時許
城為刺史興嗣入見城踞坐不為禮興嗣徑去徜徉山
水間自號清逸居士熙甯初以瑞州推官召不赴士大
夫高其清節莫不造門相語移日嘗崇周濂溪之學因
作銘以表其墓 羅湖野錄

葛源字宗聖處州麗水人徙居鄞為縣令樂職嗜事斷獄

德化縣志 卷二十七職官 名宦

三

得情措置皆可為法終荆湖北提點刑獄 王安石文集

明

傅道字士行錢塘人洪武中任縣丞清介自持携二童隨
任時偽漢初平人亂野荒道多方撫綏流亡盡復卒於
官貧不能歸乃葬城東欽天山麓 省志

應履平奉化人建文二年進士授德化縣知縣祛除奸蠹
惠民造士甚有聲績累官雲南左布政使卒為名臣詳

國史

馬驄字馴良臨桂人正統間知縣事惠愛百姓廉慎不私

嘗新濂溪祠及修甘棠隄作煙水亭皆不費於民後晉
工部主事未任卒於官葬廬山之麓

省志

楊安頰縣人天順末知縣事正直公廉種蔬自給秋毫不
取於民

府志

邵清江甯人由鄉舉任教諭清白堅貞挽士風之陋學使
邵寶力薦於朝擢監察御史

府志

朱麟閩縣人宏治間以鄉舉知縣事政務寬平捕盜救荒
無遺策九年考績擢杭州通判

府志

李逢期晉江人隆慶間爲教諭訓迪臆切驕者降頑者格

德化縣志

卷二十七職官

名宦

四

人慶得師比遷四明諸生供帳道左涕泣不忍捨去知
府張應治異之曰此可謂心悅而誠服者矣

府志

俞汝爲華亭人隆慶辛未進士初令斯邑邑三洲濱江歲
苦水春夏泛漲廬墓多墊沒汝爲請於當道築隄數千
丈手裁心畫不煩公私以絕產變價爲建築之資計口
發粟饑民競趨畚鍤之役隄成永享其利汝爲又改里
甲爲條編分限納銀人人稱便以介直寡合遷潮陽郡
丞遞遷遞降竟止南兵漕副郎

府志

謝廷訓晉江人萬曆十一年爲縣令強毅有執未嘗假人

顏色戊子己丑游饑斗米數百錢食盡罷市民競劫奪
廷訓嚴戢之躬詣江關坐以待米舫之至者量其多寡
而平糴焉時長洲相方柄國吳商以爲名廷訓併留之
曰吾甯惜一官而不爲百姓乎竟以是獲罪薦章累十
僅擢南錦衣幕尋罷去之日行李蕭然父老哭而送之
曰微公吾屬久爲餓殍矣

府志

蕭上達沔陽人由舉人天啟間令斯邑清慎慈和民愛樂
之時瑞焰熾有司爭獻諛建祠頌德上達獨持不報檄
撤各書院令甚厲亦緩之以得全然好文課部下士甚

德化縣志

卷二十七職官

名宦

五

勤所拔士無不知名爭稱其能知人云蔬食不厭視一
切世味泊如也

府志

李正春字瑤液太倉州人由進士崇禎間任邑令耿介剛
方清行出俗尤愛民息訟卯辰大饑民漸流殍正春巡
關遇米艘下必令售其半遍設粥廠又借帑買米委隸
平糴民賴全濟隨任僅一奚供使令一冠一蓋蒞任七
年未嘗易去之日百姓攀號建祠祀焉

府志

朱華圯武昌人崇禎末知縣事左良玉兵潰陷城執而裸
之令負重抗罵不屈殺之儒學蓮花池上

國朝

趙光祖字顯吾順天大興人先世有功前明以廕補衛士
遷遊擊順治初以當樞薦爲保定副將移吳淞崇明皆
有聲蹟晉都督同知鎮九江視邑事如將亡責鎮署左
故有濂溪書院歲久就圯感然曰是實儒宗忍坐視乎
且吾爲武臣而使書院之地蕪焉以沒後世其謂我何
遂蠲俸新之復修關帝廟蠲廬山茶引多惠政晚移鎮
南昌卒子鼎臣官至湖廣安陸府知府致仕入籍德化
甯維邦字新周奉天鑲藍旗人康熙二十一年令斯邑方

德化縣志

卷二十七職官

名宦

六

之官抵潛山界聞滇師北還所過大擾卽倍道行至任
會旗卒有射殺人者倚將軍勢匿不受詰維邦乃取所
射矢灼驗之得主名按置於理一軍皆驚相戒無敢犯
甯令約者其他冤嫌久訟多有神算厭寒羣疑率類此
故事征糧責里長誅求煩費民不堪命吏胥因緣爲虐
維邦洞燭弊端條上所屬峻禁勒石至今賴之維邦爲
政號廉能意在抑強扶弱若兩造常察勢所偏重左之
雖不盡當事理然十得八九至修文廟興義學亦有功
焉甲戌攝江防同知以盜賊案挂吏議士民留之不獲

後起爲鎮江通判

紀之健字堃亭山東利津人壬戌進士康熙三十五年知縣事居官清慎以愛民爲行尤好獎士勤課試考評深細經指授爲文者咸有法度可觀治獄亦有能聲以治行擢河南道御史

張近光字殿颺正藍旗人康熙四十七年知縣事時間閫久離兵革人安土樂業近光宣布德意務與休息然亦勤力當事能英發先是夫役爲官舁輿且行且語某與某兩辭曲直實爲姦利以熒聽憤者多墮其術一日近光於路聞而心識之至廳事卽聲其罪予重杖積弊以除莅職十有四年百姓熙熙如履春臺其古所云安靜之吏月計有餘者耶以報最擢去

張思恬山東齊東人由鄉舉宰斯邑廉潔寡嗜欲不任智術初政無赫赫名然自許以勤補拙益久吏民相得莫有苟且之意常坐後堂治事省文書通夕不寐令吏直宿廳事有所得立呼之至授指以行馭吏有威嚴吏或衣敝履空民莫見其可畏顧益憐之思恬或按事村落自裹糧往擇謹密數人與俱戒勿離左右事竣疾歸其

重擾民如此終挂吏議非其罪民結去後之思

高植字槐堂浙之武康人丁巳進士博學工書法乾隆十
六年由銀城調任茲邑本學問爲經濟懃懃愛民不尚
智術尤喜栽培士類月課季考裁成甚衆於邑廢無不
舉如文廟書院濂溪祠墓曾子祠岳王祠咸計重修經
營盡善後以報最擢松江同知去士民至今思之初化
邑無專志植甫下車卽惓惓力任公餘蒐輯未嘗少懈
書未成而遷秩新令已受代植因士民請緩行程而竣
志事不以去任易其初心至其編纂嚴簡無假借之失

德化縣志

卷二十七職官

名宦

八

漁山董公稱其不遺不濫得史氏法迄今踵而續修猶
循其體例未敢或踰焉若夫學道愛人以實心行實政
固宜有去後之思傳頌不朽所謂名與實副又何愧爲
三人之續哉

周千里字葦洲浙江山陰人由安義縣丞知縣事清慎恤
民乾隆二十九年邑大水封一封二桑落三鄉濱江長
隄潰決時值積雨淋漓民無棲所千里督率大小船艘
渡人嚴禁舟子索利且令本城廟宇祠堂無許關閉俾
民暫棲全活無數先是春夏水漲民不及防麥盡漂淩

幾致絕粒千里惻然欲俟詳後始賑則已無及卽先開倉撫恤然後具詳封郭三鄉之有賑自千里始也至築隄修閘計工散錢民競趨畚鍤之役殆古所稱興工佐食者取後以報最擢景德鎮同知

吳文正字景范雲南會澤人初授九江府經歷蒞任十餘載保陞茲邑凡邑中士習民風土俗無不周知愛民以實惠教士以誠樸乾隆三十一年邑大水民皆因文正爲之請賑保聚赤松白鶴德化仁貴四鄉多濱湖無隄舊例無賑亦爲力請全活甚衆後四鄉得循例被賑皆

德化縣志

卷二十七職官

名宦

九

文正力也是年水後多疫有奸民詐稱疫神衆奉之文正立刻剖其詐執法禁之凡斷獄悉得情後以廉明調任豐城士民攀轅祖餞莫不感泣

鄒銓字紹南星子人由癸酉鄉舉任教諭恬淡寡營教士敦行誼凡考課校文曲盡心力始終不倦主講濂溪書院及門者咸彬彬焉與司訓陳瑚同寅相友愛以兄事之後瑚病卒無嗣銓代治喪力任殯殮復會同人捐資助旅櫬歸里鄙人至今頌之踰年銓副室生子時年已六十人咸稱爲盛德之報云

陳昌祚湖南祁陽縣人孝廉署德化縣聽斷明允無留獄亦無冤刑人或干以私則毅然不受其廉潔有如此者化邑胥吏素狡獪弄權公至無敢爲奸署彭澤亦有政聲

府志

方體號茶山安徽績溪人乾隆庚午進士由比部郎出守九江政尙嚴明矢勤慎有疑獄悉爲平反豪猾情伏郡城濂溪書院籌增膏火桑落鄉有州地數百畝業戶希圖影射僞報崩坍日久構訟公斷歸書院訟息屆課期必局門試公餘詣院中傳肄業生立座右逐卷評優劣

德化縣志

卷二十七職官

名宦

十

郡試童卷不下數千親披校不需襄任五邑登賢書者皆公所賞鑒士心傾服郡城爲文報衝途出南關由十里舖至通遠驛中多澗河向設木杠因廬阜蛟圮公捐廉爲商民倡甃石成橋擇正人董其事其大者如銅鼓山新橋寨陽橋均勒石爲之記當創石橋時尋澗水源至報國寺擇餘基築精舍額以茶山草堂爲視工憇息所後人愛之如甘棠焉性剛直多齟齬十餘年不遷會大吏廉其才以治績上擢蘇松常鎮道旋升湖北按察司釐弊剔弊鄂士庶於黃鶴樓懸楚無冤民額年餘致

政僑寓金陵著儀禮古今文考正儀禮古文考誤錄兩山房制藝行世

吳名鳳字竹庵直隸寧津人以大挑知縣分發江西補東鄉令著循聲大憲廉其能調補德化下車後遇事振作恩威兼濟一時恣肆者率皆斂抑聽斷無留滯清釐積弊民獲安全頌神君五年七月江北旱蝗蔽天日公渡江率鄉民四面羅撲飛蝗集筭立盡次日復督捕如前公親荷笠徒步擁帚前村農無男婦悉從之忽西風陡發沙霧彌塞數刻之間蝗孽淨盡僉謂風掃螟螣

德化縣志

卷二十七職官

名宦

十一

皆父母至誠所感也六年卓薦入

覲奉

諭回任七年擢景德鎮同知去薄時父老攀轅若嬰兒之離慈母十二年調擢九江府篆士民以使君重來遮道迎之公耐清苦儉素若寒峻生平無嗜好公退手一編披誦不輟善篆書著此君園詩文集可作治譜題大堂楹聯云鎮日裡急急忙忙全副精神做不完此間縣令方寸中空空洞洞本來面目見得慣這箇廬山言爲心聲可想見其爲人二十八年由饒郡丞引退時年八十有

二至今士民談及猶追念不置云

何某失其名嘉慶初爲德化典史時白蓮教匪起以湖北荆宜屬邑爲巢穴分擾武漢四出標掠出沒不常九江設防置守備調旗兵營官牌夾以竹木爲兵棚不戒於火人馬騰沸當事大恐卽歛兵閉城令城上發巨炮何前席請曰虛實尙未可定某請單騎往偵之許可遂拍鞭直進得實情報命軍民以安閱數日北岸民房亦火疑匪至兵已登舟將往勦復請渡江察視旋請撤兵民德之嗣有爭訟邑令委何代鞠兩造不傳自至何折以

德化縣志

卷二十七

職官

名宦

十三

片言咸冰釋有賄何請爲左袒者婉言以謝年終無以卒歲邑人聞之負薪米至不受質去官時北岸居民預請渡江自段窰鎮至陸家嘴爲祖餞三日始週無少長同聲泣何亦爲歔歔不忍別民素稔其廉議餽贖不期而至者數千人何却之弗得及登舟城廂內外士民悉拜送行旌迄今七十餘年父老相傳猶稱道弗置云

吳正緯字緒五河南信陽州人道光初年授九江府經歷三權德化縣篆秉性誠樸一矢廉正上憲以爲賢奏請升補屢遇水患災黎紛渡南岸公情急不能待賑乃具

印領借道庫銀撫恤全活甚衆竝捐廉爲商民倡於城內外能仁龍池兩寺開粥廠費絀挪公項積至萬金以涖任久洞悉情僞遇爭訟多方開導率欣然帖服卒任所囊橐蕭然民思之請以官清民安四字鐫碑於山川嶺側上憲憫其情將厯年虧累分派攤繳復助資令其孫扶柩回籍

任嘉培字竹賢浙江歸安人庚子舉人同治初年調補德化縣知縣時中外通商民有盜賣鎖江樓公基者將立券矣邑紳聞其事遽白公時漏三下公披衣起急繫作

德化縣志

卷二十七職官

名宦

十三

奸者重懲之事遂寢粵商某倚勢凌其雇工撻之流血繼以刃傷乃匍匐赴愬公驗明卽往拘某甫入門以白刃相向傷差左臂公怒遴榦役拘案下笞數百聞風皆斂迹其不畏豪橫類如此港口湖田連年患水公創築沿江堤民賴以安顧不利業漁業戶咸上控公力陳形勢策如前飭港口巡檢秦序爵董其役不時往勘堤成名曰永安後調廬陵升雲南同知以疾歸居民爲立廟祀之